




Vunzseng Ceiq Sug

最熟悉的陌生人

Naeuz sug de, hoeng gou lien mingzcoh de cungj mbouj rox; hoeng naeuz de najseng ba, gou youh ngoenzgoenz naengh aen ci de. De ha, couh dwg bouxvunz gou ngoenznaengz bietdingh raen——Bouxhaici goenggyau.

Mwh baez daih'it raen de roxnyinh de yakrwix, dwglau dangqmaz, mbouj ndei gangj. De naeng ndaemndwt, daenj buhndaem vaqndaem, daengx ndang dan haiz dwg saekhau. De mbouj sang, sameib bi baedauq, gemj mbouj miz geijlai noh, aenndaeng bwj, aenbak hunggvangq, ciengzseiz dawz fouq gingqda ndaem ndeu, yawj hwnjbae miz di lumj godaih hwzsevei.

Bouxhaici neix yienznaeuz yawj hwnjbae lumj vunzvai, hoeng miz baez ndeu gou cix raen gij sienhsoh de.

Ngoenzhaenx, gou youh naengh cigoenggyau de dauq ranz. Hwnj ci le, lauhei dwg haemh doekgonq

ninz mbouj ndei, gou naet dangqmaz, da caen hai mbouj ndaej lo. Gou roengzrengz hai da, hoeng naet lai, gou naemjnaemj: "Suenq lo, suenq lo, mboujnex couh laep da geij faen cung ba, fanjcingq lij gyae ne!" Couh yienghneix gou gawqyienz caen ninz ndaek lo.

Mwh caj daengz hai da baez moq, gou doeksat "dongh" sohsdswd ndwn hwnjdaej, ok le ndang hanhheu ndeu. Ndw cigoenggyau mbouj miz saek boux hek naengh ci, hix dingq mbouj nyi saek di sing. Yawj baihrog cueng gaenq mbouj dwg gij gingjsaek gou ceiq sug haenx, gwnz mbwn hix ngamq raen buenq aen daengngoenz caeuq gij fwjhaemh ndingfwtfwt, lumjnaeuz cingq lwnh gou, mbwn ca mbouj lai laep lo.

Gou raen bouxhaici aeu ci dingz youq aen dieg mbouj miz baiz camhgoenggyau ndeu, vuenh ndei haiz le, cingq caepcawq roengz ci. Mwhneix de mbouj haeujsim ngeux gyaeu yawj, doeksat raen gou. "Yi, mwngz guhlawz lij youq gizneix?" De najbyak nyaeuqnyat cam gou.

"Gou……Gou mbouj siujsim youq gwnz ci ninz ndaek lo." Gou wzv azaz, gyaeu hix mbouj gamj ngiengx, lauhei dwg ndaq gou, caen naemj ra aen cong ndeu con haeu ndaw bae.

"Hoeng gou neix cungj yaek roengzban dauq ranz gwn caeuz lo, yienghhaenx mwngz baenzlawz

guh ha?" De song fwngz capeiq youq ndaw ci byaij bae byaij dauq. Gou naengh youq diegnaengh, doeksaetyat, mbouj rox baenzlawz guh.

De sawqmwh dingz din roengzdaej lo. "Mwngz naengh 23 loh cigoenggyau daengz ranz ndaej lwi?" De gig miz maqmuengh, riunyumnyum yawj dwk gou.

Lij ndei daxmeh daiq gou naengh 23 loh cigoenggyau gvaq, gou geiq ndaej lohsienq. Gou ganjgip hoizdap: "Ndae." De youh riu, doq byaij coh diegvih haici doq naeuz: "Yienghhaenx gou soengq mwngz bae daengz camhgoenggyau 23 loh ba, mwngz caiq naengh ci dauq ranz, ndaej lwi?"

"Ndae!" Gou baez dingq ndaej dauq ranz lo, vuenheij dangqmaz, angqyangz dwk diuqyetyet. De hai ci sug raixcaix, youh hawj gou naengh daengz baihnaj, lumjbaenz lauhei dwg ninz ndaek moq.

Daengz camhgoenggyau 23 loh le, de lij aeu soujgih hawj gou dwk dienhvah lwnh daxboh daxmeh, yienzhauh de itcig yawj gou hwnj ci le, cij menhmenh hai ci. Gou daj ndaw cuengci yawj ngauez ci, itcig daengz aen ci youq baih ndithaemh haenx mbouj raen lo. De couh dwg vunzseng ceiq sug gou, yienznaeuz bingzciengz, cix dwg boux vunz sienhsoh ndeu. Gij sienhsoh de raeujsim gou nanzanz bae.

(Anhveih Swngj Anhging Si Yinzminzlu Siujyoz haj nienzgaep Hij Conhvei)

Yiuhrumz Caeuq Roegenq

风筝和燕子

Yiuhrumz mbinnyeg youq gwnz mbwn caeuq roegenq mbin gwnz mbwn haenx doxbungz lo.

Yiuhrumz doiq roegenq naeuz: "Mwngz cwxcwx caihcaih youq gwnz mbwn mbin caen ndei ha!" Roegenq naeuz: "Mwngz deng bouxwnq yien mbin, cij ndei!" Yiuhrumz danq gaemz hei he naeuz: "Hoeng gou hozhaenz mwngz cwxcwx caihcaih ha, naemj mbin couh mbin, baeg le youq nyefaex yietbaeg, ciengqciengq go, ndwenngoenz bonjfaenh gag guhcawj, ndei lai!" "Gou youq gwnz mbwn ndoengfaex yienznaeuz yawjraen vayingzcunh gyaeuget caeuq mbawfaex loengbyoegbyoeg, hoeng mwh canghdkwnyaen coh baihgwnz hai cungq, gou aiq yaek deng sieng lo." Yiuhrumz naemjnaemj naeuz: "Ndw hawsingz mbouj miz canghdkwnyaen, yawj hwnjdaej lijdwg gou ndei lo!" Roegenq ngaekngaek gyaeu.

Roegenq doiq yiuhrumz naeuz: "Song raeuz raennaj baez nduj, boux miz boux sim'angq caeuq sim mbouj angq, doxcaez daej diuqfoux ba." Yiuhrumz dapwngq, gyoengqde youq gyangmbwn diuqfoux hwnjdaej, yinx ndaej haujlai roeg daej humxyawj, gyoengq roeg haenh gyoengqde diuq ndaej ndei, haenh gyoengqde caen ak!

Yiuhrumz caeuq roegenq baenz cungj baengzyoux ndei gijmaz cungj gangj haenx!

(Ngeih nienzgaep Cinz Cinyiz)



Daet Vacueng

剪窗花

Singhgiz roek banhaet, gou caeuq daxmeh caez bae youz gai, gwnz roen bungz raen aen diemqdangauh ndeu, gwnz bohliiz nem miz vacueng gyaeunde raixcaix! Gou naeuz: "Daxmeh, gou hix naemj daet gij vacueng gyaeunde baenzneix!"

Gwnz roen dauq ranz, daxmeh cawx ceijsaek caeuq fag geuz hawj gou, baez daengz ranz dou couh hainduj daet vacueng lo. Daih'it aeu ok mbaw ceijsaek saeknding ndeu, doiq gak boeb, daet ok aen hingzsei qingq ndeu. Caiq boeb baenz aen ciggak hingz samgak ndeu, ciep dwk aeu aen gakraeh boeb daengz mbiengj haenx, lingh aen gakraeh hix baenzneix guh, yienghneix couh boeb baenz aen yiengh hojgi ndeu. Doeklaeng caiq aeu "hojgi" doiq boeb, boeb ceij couh guhsat lo!

Cungjsuenq ndaej yungh fag geuz iq saekmaeq gou lo, gou gaem fag geuz, cingq naemj daet, daxmeh guhmuengz naeuz: "Dahniq, gaej gip, raeuz aeu veh aen doz gyaeunde okdaej gonq, yienghneix cij daet ndaej ngaih." Gou youq gwnz ceijsaek boeb ndei haenx, yungh bit menhmenh veh, gou veh le haujlai doz caeuq doenghduz iq. Haeujsim lo, doenghgij doz caeuq doenghduz iq neix ngamq yungh veh buenq aen couh ndaej lo! Cungjsuenq ndaej hainduj daet lo, gou gaem hwnj fag geuz iq, riengz doz couh daet hwnjdaej lo. Aeya, baenzlawz daet mbouj doengh ne? Daxmeh naeuz dwg gou rengz iq lai lo, couh daej bang gou caez daet. Song dou caez roengzrengz, vacueng cungjsuenq daet ndei lo, gou dawz ceijsaek mbehai, duj vacueng gyaeunde ndeu okdaej lo, baihgwnz miz yiengh aen simndei, miz duzdouq iq, lij miz haujlai doz mizyinx. Doeklaeng, gou aeu de nem youq bohliiz aen cueng ndaw ranz.

Daxgoeng daxbuz dauqma le, yawjraen gij vacueng gou daet haenx, cungj haenh gou daet ndaej ndei yawj.

(Cezgyangh Swngj Hangzcouh Si Yasah Daih'it Siujyoz Sih Yigoj)

